

مرند اۆيکو

Mərənd öykü



باخيحي

يازار: مير هدايت سيد مرندی

Web adress:www.marand-oyku.arzublog.com

Face book:www.facebook.com/marandoyku

Email:rezaaydin491@yahoo.com

باخيچي

مير هدايت سيد مرندي

- آلا با سنده اولدون كيشي ... ؟!

آرودا كيشينين باشينا ايكي قامباچالي ووردو. چاره سيز كيشي باشيني قالديريب آروداين اوزونه باخدي. بيلميردي نه دئسين.

گونده ساواش، گونده آغلاماق، گاهدان دا حاققي اونا وئيردي. نيه كي گونلر اولوردو كي ائوه بير ياوانلىق گتيره بيلميردي. آروداين چيغير - باغيرينا باخمايلاق، قالخيب گئيملريني گئييب يولا دوشدو.

- هارا، نيه قاچيرسان؟! ايشه گنتميرسن كي، بئليم آغريير، آلوتر ائله مير سن كي پولوم يوخ. معلومدور كي ايشله مه سن، ديشله مه سن! پولون يوخ، ايشين يوخ، پس من باشيما نه داش ساليم؟ اوشاقلارا نه قدر ياوان چؤرك يا يومورتا يئديرديم؟! ائوده نه واريدي، ساتدين، گؤتور بو ايكي - اوچ تويوغودا آپار سات، ياخان قورتولسون! او قونشونون اري دير كي هر دن بير كنده گنديب سئييد مالي ييغب گتيرير، يئييب يا ساتيب، شاه كيمين كئچينرلر ... بودا سن ... باخ گوروم ...

آرودا بونو دئييب كيشي يه ياخينلاشدي ...

- اولماسا سنده بئلن بير ياشيل بره ك باغلا، كندلردن سئييدمالي ييغ.

كيشي قبولسوز مينقيلداي : من كي سئييد دئييلم، هم گوناھ دي، هم ده اكر تانيسالار دده مي يانديرارلار ...

سونرا فيكره جوموب، آروداينا اوووز چؤووروب دئدي : هئش پيس ده دئميرسان ها!! اكر سئييد اولماسام دا باخيچي كي اولا بيللم. هر چند من آداملاري آلماتماقدان زهلم گندير، آما چارام يوخدور، آلاھ دا باغيشلار. بو قدر سارساق آدام واردي كي دوشونورلر باخيچي لار هر موشكولو آچار، اما دوشونمورلر كي اكر او موشكول آچاندي نيه ديلنير، نيه اونا بونا بؤرك قويور، آما منه نه ... منده گنديب موشكول آچاغام!

كيشي بونو دئيب ، ايشقبا طرف هوجوم ائتدي . بير كؤهنه باغليني يئره قويوب ، ال و ديشي له اونون دويون لرین آچماغا چاليشدي . ايل لريدي كي آتاسي اؤلن دن سونرا اونون باخيچي پالتارلارين و ملزمه لرین بير بوخايا ييغيب ايشقابين اوست قاتينا آتميشدي.

ياري محزون و ياري گولومسه يه رك ، گئيملري گئييب برهحي بئلينه باغلادي، اوجو بيز دري پاياغي باشينا قويدو. تام بير كوهنه باخيچي يا بنزه دي . اوتاقد ا بير نچه آدديم اويان – بويانا گنديب ، راضي قالدي.

- دؤز آرواد . صاباحدان من ده بيللم نه ائله يم . كندلره گنديب بخت آچاچام ، محبت دوعاسي يازاچام... پولو اولمويانا پول وئره چاچام ... جين توتاچاچام ... اوشاغي اولمويانا اوشاق وئره جه يم.....

آرواد بونو ائشيديب ، جيچيخلندي و بيردن چيغيردي : اولمويا گؤبك ده يازاچاقسان ... ؟!

- بوخ جانيم ، منيم گؤبك ايله نه ايشيم وار، منيم اونوم النيب و قليبريم ده آسيليب . من يالنيز بير چؤرك تاپيب سيز يئتم لرین قارنين دويورسام منه يئتر ...

او گونو هر نجه ايدي سونا چاتديرديلار، كيشي سحر اذانيندا، گؤز گؤزو گؤرر- گؤرمز ائودن چيخيب ، كنددن اوزاقلاشدي . گئيملرين چيخاردي ، بير چالا قازيب قويلاي ، سونرادان باخيچي پالتارين ي گئييب يولا دوشدو.

بو كند - او كنده گنديب كيتاب آچيب ، تاس قوروردو، بخت آچيردي، جين توتوردو، كئچميشدن و گله جكدن خبر وئيردي . آز چكمه دي هر كيمسه نين هر موشكولو واريدي اونون يانينا گنديب موشكولو آچيلماق اوچون دوعا آليردى و يومنوندان اؤترو ، اينده هر نه وارسا ، پولدان ، زوماردان ، تويوق يومورتادان و هابئله ملزمه لردن اونا گتيريردي .

كيشي ايشينه تقدس وئرمك اوچون بير شئي ايسته ميردي، يالنيز كندلي لر زورويلا اونو پول آلماغا راضي ائيدريلر.

آز كئچدي اونون شوهرتي داغي ، داشي آشدي ، منطقه نين زورلو خاني نين قولاغينا چاتدي، نچه ايليدي خانين اوجاقي كورايدو ، اما بير نچه هفته ايدي آروادي باغلانميشدى و كند ماماسى دئييردى كى خان آروادى ، اوشاغا قاليب . خان چوخ ماراقلیدی آروادی اوغلان دوغسون كى

اونون مال - ثروتينه صاحب چيخسين، بونا گوره ده هر کيم هر داوا - دووا و درمان دئيردى ،
تاپيب زورلا آروادينا يئديردي.

خان ، آرواديني دوشه کجه اوستونده اوتوردوپ ، اؤزو و ائوين قول - کنيزلري فيرفيرا تکين باشينا
فيرلانيرديلار. آروادين قارنى چوخ شيشميشدى و کند ماماسى باش تاپانميردى کى خانين
اوشاقى قيزدى يا اوغلان .خان بير آتلى يوللادى کى باخيچى نى اونون کندينه گتيرسينلر ، بلکه
او گله جکدن خبر وئرسين.

باخيچى بونو انشيدرکن وار يئردن يوخ اولدو . شوخلوق - شوخلوق خانلادا شوخلوق؟! بو زامانا
قدر دوعا يازيردى طرفين، موشکولو، يا آچيليردى يا آچيلميردى ، اگر موشکول آچيلمازسا ، اونون
شر جين لرينين گؤزوندن گؤروردو ! آما چاره سيزليغيلان ، ملزمه لرين گؤتوردو و آتلى ايله يولا
دوشدو.

خان سئوينجيله اونو قارشيلادى. بير نچه گون اونو عزيز کيمى عزيز له دى . خان بيليردى
کى بو ساوادسيز کندلى نه بيله جک اونون آروادينين قارنيداکی اوشاق نه دير، آما يئنه سئويردى
باخيچى اونو آلداتسين و دئسين کى اوشاغى اوغلان اولاجاق! او بير طرفدن قورخوردو باخيچى
دئيه اوشاغى قيزدير و اونون قالان اومودلارين کسه . اودور کى گونو - گونه ساتيردى . ايکى -
اوچ گوندن سونرا باخيچى نى چاغيريب امر ائتدى، کيتاب آچسين. اما دئدى کى ديققت ائله ، اگر
سوزون يالان اولسا ، وئره جه يم فالاقيا باغلاسينلار، مال عوضى جوته باغلاسينلار، آما سوزون
دوز اولسا سنى مال دونيادان نيازسيز ائده جه يم. باخيچى قورخا - قورخا اللرى تيتير حالدا
بوخجاني آچيب، ملزمه لريني اونون اوستونه دوزدو . تاسى بير طرفه ، قورد سوموکلرين بير طرفه
، سونرا کيتاب آچيب ، تاس قوردو، وئردلر اوخودو، اوره يينده آلا، آلا، ائله ييب، شانسينا لعنت
اوخودو، آريلاييردى خانين اوشاغى (قيز - اوغلان) اول، او اوشاقلاردان کى نه قيزديلار و نه
اوغلان، تا اونون ياخاسى قورتولا. اگر سوزو يالان چيخسا، داي گرک فالاقانى، قمچى نى
شاللاعى گوزونه آلا. اصلن بونا نه خانين اوشاغى قيزدى يا اوغلان!؟

گؤز آلتى دووره يه باخدى، يئره باخدى ، گؤيه باخدى ، تاسا باخدى ، سوموکلرى نچه دفة اليه
آليب يئره توللادى. بير شئى بيلمه دى ، چونکو بير شئى يوخويدو کى بيلسين.

وقت قازانماق ايچين اوتانا - اوتانا دئدى : خان آروادى گلين بير گوروم .

خانین آروادینی اوتاغا گتیردیلر. خان آروادیندان ایسته دی کی یئدی آددیم ساغا و یئددی آددیم
دا سولا گئتسین. خان آروادی ازیله - ازیله ساغا سولا آددیملارین ساییب یول گئتدی . کیشی
یئنه تاسا باخدی، قول کنیزلر باشینا جومالاشمیشدی ، دقیقه لر او حالدا قالدیلار، کیشی داها
بیر باهانا تاپانمادی. چاره سیز باش قالدیردی تا سؤزون دوزون دئسین.

- خان ساغ اولسون! من نه قدر چالیشیرام باش تاپا بیلیمیرم. خان خانیم ساغا گئدنده ، اوغلان
گوردوم ، سولا گئدنده قیز گوردوم. اینشاللاه اوشاغین یا قیزدی یا اوغلان!! خان بو سوزدن گولدو،
اوره یینده بیر یامان سوخوشدوردو : ائششک کیشی ، هر بویلو قادین یا قیز دوغار یا اوغلان! دای
بیر بئله کیتابا ، تاسا باخماق لازیم دئیل. آما هر حالدا چون باخیجی اونون اومودون کسمه ییب و
قیز دئمه ییب شادلاندي و دئدی :

- بیر ایکی گونده بیزه قوناق اول، سونرا سنی وئره رم کندینه گوتورسونلر. سونرا اوشاق اولانا
قدر دوزوب اوندا سنله دانیشاجاییق .

باخیجی ائوینه دؤنوب قالان نچه آیی ائشییه چیخمادی. خاندان چوخ او اینتیظاردایدی چون کی
اونون گله جه یی خانین اوشاغینین جینسیتینه باغلیدی.

دوغماق گونو گلدی چاتدی . خانین آروادی دوغدو. آما نه دوغدو؟! اکیز اوشاق ، بیری قیز بیری
اوغلان!!!!